

12.
DISPVATIO.

De varijs Scripturarum sen-
sibus, Anno millesimo quingentesimo se-
ptuagesimo, in Inclyta, & Catholica
Academia Ingolstadiana pu-
blicè proposita.

2. COR. 3.

Idoneos nos fecit ministros noui Test. non literæ, sed
Spiritus; Litera enim occidit, Spiritus autem viuificat.

AD GALATAS 4.

Scriptum est, quoniam Abraham duos filios habuit: v-
num de ancilla, & vnum de libera: Sed qui de ancilla,
secundum carnem natus est: qui autem de libera, per
repromissionem, quæ sunt per allegoriam dicta.

CHRISTO DVCE

Discutientur proximo die Lunæ.



Ex Officina VVeissenhorniana.

ANNO. M. D. LXX. +

De varijs Scripturarum sensibus.

Thesis I.



*T*omnem ambigendi occasione præcidentes, ab institutæ disputationis inscriptione exordium ducamus, sensus nomine non internam, externamue ullam animæ uim, uti sæpe usu uenit, hoc loco cõplectimur, sed id, quod uoce, sententia, aut oratione cuiuspiã externo sensu percepta, mente concipimus.

II.

Qui equidem sensus generatim, ac pro instituti nostri ratione, (nam uulgatas sensus distributiones hic persequi non attinet) bipartito diuidi solet: in *Literalem* uidelicet, & *mysticum* seu *Spiritalem*.

III.

Literalem Scripturæ sensum cum nonnulli definiunt, qui tropis, & schematis omnibus, quibus ea nusquã non abundat maxime, accuratè discussis, riteq; intellectis, ex propria, aut translatis uerborum significatione legitime cõsurgit: alij, quem prudens rerum æstimator, ut eiusmodi est, ex rerũ notis, dum proponuntur, aptè colligit: nobis uerò eum sensum *literalem* appellare placet, quem *Spiritus sanctus* per uoces proximè, uel remotè intendit.

IIII.

*V*nde manifestus eorum est error, qui non solum in metaphoricis, & parabolis, uerum etiam quouis alio in loco,

co, si quid figuratè dictum, scriptumue compererint, duos statim sensus consingunt: unum, quem uerba ἀχρηματισμένως, & planè accepta designant, quem literalem ipsi uocant: alterum, quem figuratè sumpta denotant, quem tropicum appellant.

V.

Etenim priorem illum sensum literalem appellare, est in clara, & aperta luce caligare turpiter. Nec enim uerè id sensus dici potest, quod is qui loquitur, uel scribit, uerbis, quibus utitur, non uult indicare: qui uerò ἀλλυγορικῶς, aut ὑπερβολικῶς, aut μεταφορικῶς scribit, aut loquitur, quiduis potius indicatū uult, quam quod ipsa per se uerba proximè, hoc est, simpliciter, & sine schemate usurpata sonant.

VI.

Quamobrem fido ac integro Sacrarum literarum interpreti, iterum atq; iterum discernendum est, simpliciter ne aliquid dictum, scriptumue sit, an figuratè. Nam si quæ schemata, uel tropi in litera latitant, ex ijs præsertim, qui legitimum sensum turbant uebementius, ut sunt allegoria, hyperbole, metaphora, synecdoche, irónia &c. fieri nequit, ut ullum prius uerum, & legitimum sensum constituat, quàm diligenti meditatione adhibita, omnes eiusmodi tropos seorsum discutiât, expendatq;.

VII.

Esse autem eum sensum literalem, & quidem solum literalem, quem uerba Scripturæ figuratè, hoc est, improprie, et translative accepta, demonstrât, ut cætera, quibus probat

Id solet, desint, ex solis prophanis literis, ostendi potest. Nam cum hic permulta passim figuratè scripta cõperiantur, quæ nos etiam figuratè interpretamur: cumq; eiusmodi interpretationem literalem uocandam esse eruditi omnes sentiãt, cur non eodem iure, si quid figuratè editum extat in testamentarijs scripturis, id quod nobis eæ Scripturæ figuratè acceptæ significant, ad literalem sensum referre licebit?

VIII.

Sunt qui sensum literalem in historicum, ætiologicum, et analogicum partiantur, eiusq; partitionis D. Augustinum autorem se habere opinentur, sed id falso: Nam D. Augustinus non literalem scorsum, sed Scripturarum sensum uniuersè, in historicum, ætiologicum, analogicum, & allegoricum secat, quamuis ne hoc quidem satis exactè. Historia namq; ætiologia, & analogia, non tres, sed unū duntaxat sensum constituunt, ut quæ hoc tantum inter se discrepent, quod historia rem factam solum explicet, ætiologia facti rationem reddat, analogia, quæ pugnare uidebantur, inter se concludit.

IX.

Omnibus itaq; numeris absolutus diuinarũ literarum interpretres, præter historię cognitionem, ætiologiam quoq; & analogiam teneat, hoc est, sensus in diuinis literis ita exercitatos habeat, ut uarios Scripturæ locos inter se componere, eorumq; quæ uel dicta, uel facta narrantur, cū opus fuerit, rationē possit reddere: Ex ætiologia aut, & analogia, sicuti occurrant, novos literæ sensus ne cõfingat: sed siquidē potest ad historiam: sin autem ad literam referat. Nec

enim

enim duo hæc sunt idem prorsus, tametsi quidam hoc pro illo interdum usurpent.

X.

Etenim ubi nullum dictum, aut factum, dictiue aut facti ratio, aut ~~magis~~ explicatur: ibi profecto nullus historicæ relinquitur locus, sensum autem historicum, sine historia cōstituere uelle, est à rectæ rationis magisterio manifestè discedere. At qui nō pauca Scripturæ loca narratione uacant: ecquid enim narrant psalmi, dum Dei potentiam, misericordiam, ueritatem, uel iusticiam extollunt? quid Paulus, dum Scripturarum interpretem agit? quid legis tabulæ? quid alia id genus sexcenta, quæ tamen omnia sensu literali non carent?

XI.

Dicent forte, qui promiscuè utrunq; usurpant, se non omnem sensum literalem, historicum appellare, sed cum tantum, qui spiritali ex aduerso opponitur: Spiritalem autem in ijs duntaxat locis reperiri, qui factum aliquod narrant. At qui hoc admissio, ad huc se tueri non possunt, qui omnem omnino sensum literalem, historicum uocant, cum certum sit hunc illo limitibus multo angustioribus contineri.

XII.

Sed & illa quoq; , quæ non narrantur gesta, mysticum interdum sensum admittunt: ut illud; Ego ero illi in patrem, & ille mihi erit in filium. Et cōtra quedā in Scripturis gesta narrantur, quæ tamen mysticm sensum non

recipiunt. Ecquod enim mysterium proditur, dum Apostolus exponit Troade se pennulam, & nescio, quas membranas reliquisse? Alexandrum Alerarium multa sidi mala intentasse? in prima sua defensione nullum patrum habuisse? & alia id genus similia?

XIII.

Illud sanè non iniuria multo magis miraberis, unū eundemq; Scripturæ locum, plures nōnunquā literales sensus admittere: siue ex eo id prouentat, q̄ Deus Opt: Max: qui una simplici, ac indemutabili noticia omnia simul complectitur, Scripturam dictans, una eademq; oratione, ea omnia uoluerit significare, quæ uerè, utiliter, & Scripturarū fini consentaneè sapientes inde colligere posse animaduertebat: siue ex natiua ipsius Scripturæ fecunditate: siue ex quocunq; alio fonte id proscaturiat.

XIII.

Erit autē literalis Scripturæ sensus, tum demū certus, & exploratus, si per se omnino fuerit perspicuus, uel ab Ecclesia, super ea re congregata, constitutus. Nec enim minus tribuendum est Ecclesiæ in Scripturarum interpretatione, quàm in earundem approbatione & canonizatione.

XV.

Vnde ut nefarium esset, post Ecclesiæ definitionē D. Ioannis Euangelium, uel alterius cuiusuis Prophetæ, uel Euangelistæ scriptū, ueluti dubium repudiare, ita ingenti quoq; cum scelere coniunctū foret, sensum, quem illa tanq̄ germanū, & catholicū in Concilio exposuisset, aliorum detrudere, uel omnino nō admittere. Quod

XVI.

Quod si quando Ecclesia, uel Synodus Oecumenica, uniuersalē Ecclesiam representans, rationibus, uel autoritatibus non admodum grauibz, uel momentosis decreta sua confirmat, nō propterea, aut illius autoritas, aut istorum firmitas labefactatur: siquidem Conciliorum sanctiones non ideo recipimus, quod grauibz, uel euidentibus rationibus, uel autoritatibus munitæ in lucem procedunt: sed quia non alium, quā S. Sanctum autorem habere cognoscuntur.

XVII.

Itaq; Concilium Oecumenicum, uel Pontificē Maximum aliquem Scripturæ locū in hoc, uel illo sensu usurpasse, uel ad quodcunq; fidei dogma confirmandum allegasse, id fidei uim, atq; firmitudinem nequaquam semper obtinet, aut Christi sacris imbutum, ut absq; mora, & dubitatione id amplectatur obligat: Quamuis etiam ab eo, quod sic uno quasi aspectu, atq; obiter expositum est, non temere recedi debeat: Verum tum demum Synodi interpretatio legis uim tenet, cum ea de causa conuenit, ut de dubio loci alicuius sensu certi aliquid statuatur.

XVIII.

Cæterum dū inter plures eiusdē loci sensus ambigitur, si nihil se offert, cur hūc magis admittere expediat, quā illum, cum cæteris anteferas, nō qui plures pro se autores habet, præsertim ^{ἁγίων ὁμολογῶν}, sed qui cū præcedētibus, et cōsequētibus, alijsq; Scripturæ locis magis cōsentit, quiq; ad Græcum, uel Hebræum contextū propius accedit: Nec enim

enim parum lucis obscuris locis adferre solent fontes, ex quibus dictante S. Sancto sacra primo profcaturierunt, dummodo tamen & ipsi quoq; puro decurrant gurgite.

XIX.

Imouero tantum abest, ut in ijs, quæ per se certa, aut ab Ecclesia determinata, aut communi Sanctorum traditione comprobata non sunt, clausis oculis, absq; ullo omnino studio, iuditio, uel inquisitione, multitudinis sensu niti quempiam oporteat: ut etiam eidem interdum refragari, minime dedeceat.

XX.

Debet (inquam) qui Theologi non mali nomen sustinere uult, in dubijs, non id semper probare, q; multi unum aliquem, ut fieri nonnunquam solet, sine iuditio secuti docuere, sed loca cum locis, præcedentia cum sequentibus, exempla cum exemplaribus, æditiones cū æditionibus, interpretationes deniq; cum interpretationibus diligenter conferre: ac tum demum, quod ad autoris mentem, ac sententiam, quàm proximè accedere uidetur in medium proferre: siue id cum multitudinis interpretatione consensiat, siue ab eadem dissentiat.

XXI.

Quæ hæcenus de literalis sensu determinata sunt, manifestè probant, nullum extare Scripturæ locum, qui non aliquem saltem literæ sensum recipiat: siquidem figuratè dicta remota, & translata; cætera propinqua, & propria uocum notatione literalem sensum constituunt.

XXII.

Sed et alia quod ratione doceri id potest: nam qui scribit, uel loquitur, aut uerbis, quibus utitur, illud, quod significatum uult, exprimit, aut secus: si exprimit, id ergo quod expressit, erit sensus literalis: sin autem id non exprimit, scribendo igitur, uel loquendo operam ludit.

XXIII.

Exprimit, inquis, sed interim non ex proxima, et propria uerborum significatiōe, id nos uult colligere, sed à rerum similitudine, et notatione, quas uerba significāt. Sit ita? ex huiusmodi itaq; nō planus, sed parabolicus, aut allegoricus sensus consurget. Vteruis aut horum, non ad mysticum, sed ad literalem sensum spectat. Quod si neges, uel inuitus concedas oportet, multa scripsisse Phocilidē, Ciceronem, & alios profanos scriptores, quæ nullū literalem sensum admittāt, cum tamē, (ut minime paucorum est sententia) hic sensus ab eorū scriptis nullo modo abesse queat: ut qui uel solus isthic locum habeat.

XXIII.

Verum sit ne hoc uniuerse, et absolute uerū, id, ubi de spiritali sensu differetur, planius indicabitur: nūc hoc tantum moneo nō deesse, qui in moralium Philosophorum apologis, geminum sensum admitti posse contendant: nō quidē unum literalem, & alterum spiritalem: sed unum literalem, & alterum moralem. Nam etsi (inquiunt illi) qui Alogum, aut fabulam proponit, uerbis, quibus utitur, aliud proxime significare non uelit, quam quod ficta illa narratione commemorat, uult tamen ut ex facto ima-

ginario, uerbis illis comprehenso, colligamus quippiam,
quod ad mores componendos inueniet.

XXV.

Sed ut profana, ueraq; pietatis præceptionib. uacua,
profanis dimittamus, certè qui in sacris uoluminibus al-
terum duntaxat admittendum contenderet, is nō solū ab
unanimi, perpetuaq; Sanctorum patrum consensione, atq;
traditiōe, totiusq; Ecclesiæ, in explicandis sacris literis,
consuetudine exorbitaret, uerum etiam doctrinæ Apos-
tolicæ reclamaret apertè. Docet enim illa non uno in lo-
co, pleraq; quæ in lege Mosaica contingebant, umbram
quandam, & typum futurorum gessisse.

XXVI.

Quid? q. non illi solū fidei, et periculose errent, qui
nullū alium, præter literalem, in S. literis agnoscunt sen-
sum, uerum illi etiam, qui in plerisq; Scripturæ locis, sensu
literali aperto, perinde ac si falsus, uel à suscepto negotio
alienus sit, repudiato, nouos quosdam, ac inusitados nobis
obtrudunt?

XXVII.

Quorsum namq; attinet cum Origine, & alijs quibus-
dam, quæ de Eue formatione, de Paradiso terrestri, de
quatuor fluminibus inde progrediuntibus, de dierū inter-
uallo, deq; plerisq; alijs, quæ primis illis Geneseos capitū-
bus, de mundi nascētis exordio exponuntur, ad nescio quos
sensuum *metaphysicorum*, uel pertinasq; ac matutinas cœlestium
mentium notitias in solidum, detorquere?

XXVIII.

Ad spiritalem porro sensum, quod attinet, is non ex
propria

propria, aut translaticia uerborum significatione, sed ex rerum, quas uerba demonstrant notatione, ac similitudine duci debet.

XXIX.

Mysticum sensum Bedas, et qui illi sequuntur, in typicum, tropologicum, et anagogicum partiuntur: D. Augustinus mysticos omnes, uno allegorie nomine ubique exprimit. Hugo Victorinus, misso typico, allegorico tropologicum adiungit: Nobis Bede distributio, ut primis uirtutibus cognatio, et in Patrum Scholis receptior, magis probatur.

XXX.

Sensus mysticus, non unus semper, ex uno loco ducitur, sed uarius nonnunquam, et multiplex: Non enim ea angustia rerum notatio, et similitudo, unde hic sensus petitur, continetur, ac uerborum significatio, ex qua sensus literalis proxime colligitur. Quamuis et hic quoque ita ieiunus non sit, quin geminari interdum queat: alter tamen est fecundior: sepe namque unus idemque locus, aliud typice, aliud tropologicè, aliud commonstrat anagogicè.

XXXI.

Mysticum hunc, et spiritalem sensum, nisi sensus uocabulo abuti uoles, sole diuinae literae recipiunt, non alterius cuiusuis dicta, uel scripta. Homo enim, postquam uerbis proprie, uel figurate quiddam expressit, quod alterum, ad quem orationem dirigit, uult intelligere: non habet praeterea uim, saltem uniuersè, ut rem, quam uere gestam narrat, aut si quid aliud est, quod explicat, ad significandum aliud imponat, sed si id uelit, alijs opus est uerbis.

Quamuis autem peculiare sit sacræ literæ, ut præter
 literalem, admittant etiam sensum spiritalem, cumq; mul-
 tiplicem, haud facile tamen in omnibus Scripturæ locis
 utrunq; sensum comperias. In Paulinæ enim, et Aposto-
 lorū Canonicis, mysticus rarissime occurrit: Nam quod-
 cunq; illi docere uolūt, id planis explicatisq; uerbis expo-
 nunt.

Inter mysticum, et literalem sensum hoc, inter cætera,
 discrimen intercedit, quod hic illo, apud nos sit certior, et
 ad faciendā fidē efficacior. Mysticus .n. nisi à Christo,
 uel Apostolis, ad quippiam probandū, uel confirmandū
 usurpatus, in literalis naturā transferit, parum apud nos
 roboris habet. Pendet namq; hic sensus non infrequenter
 ab humana cōiectura, quæ plæruncq; fallax est, et incerta.

Ex hac sensuum Scripturariorum explicatione, pa-
 lam fit, haud leuiter ab ijs erratum esse, qui apud Apo-
 stolum legentes, literam occidere, spiritum autem uiuifi-
 care, existimarunt occidentis literæ nomine, sensum lite-
 ralem significatum esse, spiritus uerò uiuificantis sensum
 mysticum: cum certum sit Apostolū ne per somnium qui-
 dem tale quippiā cogitasse. Quid enim? an nō æque bonus,
 sanctus, uerus, ac certus est literalis sensus, atq; spiritalis?
 an non æque monemur, per sensum literalem, quid agendū,
 quid ite uiuandū, atq; per sensum spiritalem?

Dices non sat esse nouisse, quid litera proponat, ut sa-
 lutem

litem consequare? Sit ita. At idem ego, & de spiritali sensu tibi uicissim obiecerō: Nec .n. pauci, ut credibile sit, ardent apud inferos, qui mystica Scripturarum sensa callebant probē. Id igitur, quod interius uiuificat, procul dubio non est sensus aliquis scripturarius, sed quiddam occultum mentibus insidens. XXXVI.

Vnde rectius per Spiritum uiuificantē, gratiam Dei per Euangelium nobis comunicatam; per litteram uero, nuda legis praecepta accipimus. Sed nec aliud accipi litterae apostolicae contextus sinit, ait enim: Epistola nostra uos estis, scripta non atramento, sed spiritu Dei uiui: non in tabulis lapideis, sed in tabulis cordis carnalibus. Haec sanē aliō, quā ad Diuinæ gratiae infusionem legitime referri non possunt. XXXVII.

Sed quoniam arrogantior uideri poterat Apostolus, quod tam excellentiū Epistolarum ministerium sibi conceditum asseueraret, rei odiosam mitigans, aliunde eam facultatem sibi obuensse exponit, subdit enim: Sufficiens nostra à Deo est, qui idoneos ministros nos fecit Noui testamenti, non litterae, sed spiritus.

XXXVIII.

Hoc autem spiritus ministerium ueteris legis Doctores, ut huiusmodi, non habebant, sed tantum alterum illud, quod litterae appellatur. Nec enim illi docendo, aut exhortando Christum, unde omnis spiritalis gratia hauritur, ex instituendo, & serio inculcabant, sed minis, ut plurimum, & terroribus legis executionē, & obseruationem urgebant.

XXXIX.

Quod si qui in illo calamitoso saeculo comperiebantur, qui in Christum per fidem cognitum, spem omnem, atq; fiduciam defixam haberent, ab eoq; uitam, salutem, & omne deniq; bonum expectarent: uel ex cathedris eundem Euangelizarent, eos nos, quatenus hoc ipsum faciebant, ad nouum potius, quam ad uetus Testamentum pertinuisse assue-ramus: Sed & ceteros quoq; eo dem spectasse, consentaneū est, qui eadem illa aetate, Christi Domini nostri gratia ad salutis portum pertungebant.

XL.

At uero Noui testamenti minister, si tamen uerè id est, quod audit, unum hoc agit, ut auditor propria imbecillitate agnita, suis quidem uiribus omnino diffidat, Christi uerò Dei, ac Domini nostri potentia, ac misericordia confidat ualide, eidemq; uni, sese totum, quantus est, permittat intrepidè. Quod si is, ut par est, bene monenti morem gesserit, tum demum Christi Epistola, non atramento, sed spiritu Dei uiui descripta, efficitur: eoq; paulatim progreditur, ut iam non poenae formidine, sed uirtutis studio, ac amore, legis mandatū expleat. Atq; huc Scholæ Patres tendunt, dum nouum Testamentum interius hominem iuuare, tradunt, uetus uerò exterius tantum.

XLI.

Manet ergo in causa spiritum uiuificantem non esse mysticum Scripturarū sensum: Rursum ministrorū Euangelicorum munus nō esse nuda uerba documenta, ad formandos auditorum mores, proponere: Nam hoc etiam ueteris legis